

歷代 日記叢鈔

學苑出版社

歷
代
日
記
叢
鈔

第一五五冊

日記叢鈔

光緒甲辰冬月

◎ 存報記

泗州楊士驤署

學務處排印局校印


日游筆記序

近歲考察東瀛學校歸者記載夥矣
其裒然稱首者以吳京卿東游叢錄
為鉅子餘或詳其制度而略其精神
抑知其精神矣返而施之吾國又風俗
程度之不相稱未見其善也太史是

編窮數旬力凡彼中官私附屬各學校纂述獨詳其言主小學教育之普及而輔以急興實業且取日本歐化保存兩派鎔於一鑪皆卓有心得而非膚受所能同又因見彼之標本儀器處而欲仿造頒行見彼之女學食譜表而欲設

法以杜飲食之訟蓋非徒用力之勤而
孳之焉為本國計者至深遠也付諸梓人
以備從事教育者之觀覽是猶京卿之
志也歟因書所見以歸之

光緒甲辰孟夏項城袁世凱叙



序


光緒癸卯初秋予考視學制至自東瀛反命於 宮保袁公

公曰此行其得要領矣乎予應之曰明治維新庶政紛糾與吾國頗相若其學校經始尤與吾北洋不謀而同厥後自育師資不復借材異地三十年來規制數易精益求精迺臻完備要其全神所注著重國民教育之普及遂收捷效驚美全球今我學校規模粗立功候尙稽民智未開財政困乏所賴 宮保維持庶幾適觀厥成顧欲普及國民非造就師材不可欲造就師材非廣派留學不可 公曰可謂知要矣歸語王蕪泉太史爲

送師範生二十人赴東且以所見所聞藉資考鏡予應之曰唯先是嚴範孫同年久韞斯意因就而商定之天津保定各遴十人資而屬之燕泉廼以八月杪挈而東渡安置宏文學院部署餘閒恣情瀏覽以是冬歸國今春持所述日游筆記問序於予予謂善窺教育者不於其形式而於其精神精神不存形式徒具與罔知教育等耳吾國教育萌芽伊始形式且不具奚論乎精神然考察家固不可不由表以觀裏由淺以潛深也是編所記爲期不過數旬而所歷官私附屬各校所旁及局館廠場幾達五十餘處自形式之表面以深入於精神之所寄主要階段

一一剖其竅而導其源視吾所獲抑又加詳而又拳拳於全國之忠愛睠睠乎生徒之運動化東西新舊之兩界鑄歐化國粹於一鑪鬱思幽情橫溢言表至謂唱歌爲教育之心體操爲教育之骨議尤奇警而確其他緒論亦彌切實用而可見施行燕泉此行爲不虛矣學校要領其在斯乎其在斯乎

光緒三十年歲在甲辰二月永年胡景桂序



日游筆記

琅邪王景禧石遜

九月初一日。凌晨。登舵樓。觀日出。望見東南一帶。島嶼起伏。卽
吾東登州沿海各山也。此行赴日本視察學制。隨帶繙譯官楊
慶璫。書識劉揆。並學生王振垚等二十三名。送入宏文學院。肄
習高等師範。日本文學士北村澤吉。亦送眷東歸。同乘日本郵
船。營口丸。分住一二三等客艙。清潔絕塵。往來會談。宛如浮家。
頗不寂寥。先日午後三時。由天津大沽展輪。本日午前十時。至
烟台停泊口外。待醫士驗疫畢。始進口。船長以端艇送予登岸。

遊覽至日本領事署茶話。周歷市廛及租界。依山傍海。商賈輻輳。而街市極不潔。午後歸舟。遙望北面芝罘山。與烟台對峙。成一山環。再北有四五小島。則嶮峒島也。居民六十餘家。皆業漁。亦有農者。

初二日辰六時微雨。十二時啟旋東駛。天色開霽。風浪不興。水作深碧色。三時一刻。至劉公島。持遠鏡窺望。有兵輪三艘。駐泊其間。同舟有美國人指而華語曰。此威海衛也。傍晚至山東角。遙見塔燈。其明如月。繞過成山。遂入黃海界。

初三日辰。登艙面遠眺。水天相接。一望無際。作黑色。卽俗所稱

黑水洋也。十二時。微見天際山色隱現。移時。羣島連人而來。是爲朝鮮羣島。山麓下水色作一縷紺碧。俄而舟出黑水界。水變綠。旋又淡黃。則大同江流所入也。再進則島嶼羅列左右。有若笠者。有若屋者。有若伏牛者。又有怪石突出水際。狀如半身鱷魚形。漁舟泛泛。往來其間。四時許。望見濟州島。

初四日辰。經日本五島。再進爲平戶。遙見兵輪十餘艘。縱橫海面。則佐世保軍港也。過此。羣山羅列。爲日本肥前國。各山樹木茂密。石磴層疊。陰翠晴嵐。殆如圖畫。十二時。舟泊長崎。率學生同北村乘小輪登岸。至吾國領事官署小憩。遂往閱視長崎警。

學。專。門。學。校。(浦上山里村字江平前千六九九番地)校長田代正。延入樓上應接室。室內徧懸學生攝影。皆歷次畢業生。田代言。自吳先生汝綸來此後。得先生而再。然亦空谷足音矣。聞先生究心此道。凡吳先生所閱視及未及閱視者。當一一詳爲導觀。遂至圖書室及圖書閱覽室。內藏東西各國醫科書及理化學科書甚備。又有各種醫學報。至解剖標本室。有紙造各種模型。其手足股肱頭部臟腑等標本。則皆真形。一一置玻瓶內。而浸以酒精。室中別有一方案。置酒精玻瓶九。則自一月至九月之胎兒也。予詢何以得此。校長笑言。凡病小產者來請爲施治。

悉令勿棄所產。以備考驗。以故積久而皆備。

亦有從民家購得者

此室。非特

許不得參觀。卽學生亦不輕入也。至準備室。則各種植物動物

標本。各國藥品悉具。至助手室。則凡教員實驗各事。或製煉各

品。一人不能作者。助手助而料理之。架上置玻璃極夥。凡各種

疫蟲皆貯之。日本所謂虎列拉。霍亂病。又有近世所謂黑死病

者。皆有疫蟲。蟲極微細。以顯微鏡視之。略可分別。凡病之傳染。

皆疫蟲隨口鼻之呼吸而入。故西人防疫。蒸燒甚嚴。爲殺疫蟲

設也。又有腹內各蟲。是日所見者。曰無鉤縲蟲。曰筭形二口蟲。

餘則吾國所謂蛔蟲寸白等類。坐觀移時。出歷物理學教室。化